

本  
草  
原  
始

本草原始叙

李君儒者也胡以輯本草余授李君業  
儒者也胡為李君叙本草要以物而物  
眎之物不與於我物而豕眎之即一根一莖  
一飛一遊一泳以及塊然凝黠然呈者疇  
非吾性之森羅而法象乎哉矧三五以

降氣漸澆漓疵癘天札人或不覺其  
天年咎在方術之家謬執臆見誤授  
藥餌本姑之小原而憐予爭舛齟訛  
曷其有拯迺吾儒者又末技鄙之置  
弗道夫孰知格物窮理之外二事而同  
類痺癢固無異其身之疴痛耶若然

則李君之輯本草原始其意良厚而心  
狃苦矣以較他刻樊然淆亂挂此漏彼  
者不啻軒輊試取而披之圖其象矣必  
覈其名詳其用矣必推其體與夫甘苦  
辛鹹之味青黃赭白之色寒熱溫涼  
之性採製蒸晒之宜無不種種具備觀

者煥若交燦燦如指掌斯刻詎不大  
有裨於世哉雖然始者始矣所以始者  
口予可得而述簡不可得而陳揅之未  
始有始之先以觀其妙驗之既始有始之  
後以觀其竅則始從何始原無可原即伊  
耆巫彭桐君之著猶糟粕也是在得魚

免而忘筌蹄者之神遇耳李君名中  
立少從余遊博挹秦漢諸書余雅器重  
李君與李君夙自負更有進於此者  
此一斑又何足為李君知已

皆

萬曆四十年歲次壬子吉旦

賜進士第徵仕郎中書科中書舍人  
雍丘羅文英質先甫撰

本草原始序

醫雖方技爾然理微而道大用廣而  
功切故稱仁術焉上古神農氏始嘗  
百草而知藥軒轅氏咨訪岐伯伯高  
少俞而知脈後世始有生之術矣  
夫人之五藏六腑氣脉周流陰陽穴



絡上按天道下侔地理非冥心聚精  
博考沉思不能入其奧妙而況粗浮  
之氣踈畧之見又何當焉余幼善病  
留心此技二十餘年僅得其梗槩以  
自衛宰祀時得李君中立氏年幼而  
姿敏多才藝其醫雖不敢即謂與古

入方駕而偏至之能。有足取焉。所著有本草原始。夫本草者。醫之膏肓也。之生而致死之死。而致生所係在呼吸間。可弗慎乎。李君覈其名寔。考其性味。辨其形容。定其施治。運新意於法度之中。標竒趣於尋常之外。皆手

自書而手自圖之抑勤且工矣書成  
遣人邸中丐余一言以傳余以為昔  
人讀爾雅不熟為螭蜥所悞致白澤  
不審陷侯囊於亡然則非有易牙之  
口不能辨淄澠之水非有師曠之聰  
不能聆勞薪之味故古人不三折肱

不稱良醫吾與子固無所用其患矣  
特以告夫來者

賜進士第文林郎禮部儀制清吏司主  
事渤海馬應龍伯光甫撰

本草原始卷之一

草部上

黃精

地黃

生熟二品

白朮

蒼朮

芫胡 銀芫胡

麥門冬

沙參

五味子

車前

茵陳蒿

山藥

原名薯蕷

澤瀉

遠志

苗名小草

龍膽

即草龍膽

巴戟天

衛矛

即鬼箭

細辛

石斛

肉蓯蓉

草薺蓉

甘草

牛膝

黃連

地膚子

赤芝

黑芝

青芝

白芝

黃芝

紫芝

卷柏

芎藭

即川芎

藍實

蒺藜子

二種

黃耆

蒲黃

續斷

漏蘆

防風

決明子

丹參

茜草

即茜根

菟絲子

羌蔚

即益母草

人參

菊花

二種

菖蒲

天門冬

獨活

菴活

升麻

木香

蛇床子

王不留行

草部上五十五種附名者四種

本草原始卷之一

雍丘正字李中立纂輯並書畫工

草部上

**黃精**出茅山。高山者良。二月始生。一枝多葉。葉狀似竹。而鹿兔食之。故別錄名鹿竹。兔竹。根如嫩生薑。黃色。故俗呼為野生薑。洗淨九蒸九晒。味甚甘美。代糧可過凶年。故救荒本草名救窮草。蒙筌本草名米舖。仙家以為芝草之類。以其得坤土之精粹。故謂之黃精。

氣味甘平無毒

主治補中益氣除風濕安五臟久服輕身延年不飢○補五勞七傷助筋骨耐寒暑益脾胃潤心肺單服九蒸九暴食之駐顏漸穀○補諸虛止寒熱填精髓下三尸蟲

黃精別錄上品



有一二岐者亦有無岐者



生淡黃色類白芨熟深黑色象熟地黃有二三岐者入藥用根故予惟畫根形後倣此

按博物誌曰太陽之草名黃精餌之可以長生太陰之草名鉤吻食之入口立死人信鉤吻殺人之者何嘗信黃精延壽而餌之不厭者耶按此但以黃精鉤吻相對待而言非言其相似也  
修治先以溪水洗潔淨用木甑釜內安置得所入黃精令滿密蓋蒸至氣溜暴之如此九蒸九暴餌之若生則刺人咽喉



若服生者初時只可一寸半漸漸增之十日不食服止三尺五寸三百日後盡見鬼神久必昇天

### 忌梅實

昔臨川士家一婢逃入深山中見野草枝葉可愛拔根食之久而不飢夜宿大樹下聞草中動以為虎懼而上樹避之及曉下平地其身欹然凌空而去若飛鳥焉數歲家人采薪見之捕之不得館絕壁下網圍之俄而騰上山頂或云此婢安有仙骨不過靈藥服食遂以酒餌置往來之路果來食訖遂不能去擒之具述其故指所食之草即此黃精

黃精君

### 生地黃

生咸陽黃土地者佳。二月生葉布地便出。似車前葉。上

有皺文而不光。高者及尺餘。低者三四寸。其華似油麻花而紅紫色。亦有黃花者。其實作房如連翹。子甚細而沙褐色。根如人

手指黃色。二月八月采根陰乾。以水浸試之。浮者名天黃。半浮半沉者名人黃。沉者名地黃。以沉者為良。故以地為名。爾雅云。芑。地黃。芑字從下。亦趨下之義也。本經所謂乾地黃者。即生地黃之乾者也。

氣味甘寒無毒

主治傷中逐血痺填骨髓長肌肉作湯除寒熱積聚除痺療折跌絕筋久服輕身不老鮮者尤良。○主男子五勞七傷女子傷中胞漏下血破惡血溺血利大小腸去胃中宿食飽力斷絕補五臟內傷不足通血脉益氣力利耳目。○助心膽氣強筋骨長志安魂定魄治驚悸勞劣心肺損吐血鼻衄婦人崩中血運。○產後腹痛久服變白延年。○涼血生血補腎水真陰除皮膚燥去諸濕熱。○主心病掌中熱痛脾氣痿廢嗜


臨足下熱而痛○治產痛唾血

鮮地黃大寒主治婦人崩中血不止及產後血上薄心悶絕  
傷身胎動下血胎不落墮墜腕折瘀血留血鼻衄吐血皆搗  
飲之○解諸熱通月水利水道擣懸腹能消瘀血

生地黃


形肥大者俗呼頂條  
二條

品



針頭鼠尾沉水者佳

俗呼中條  
今多用



再小者不堪用

產杭地者質雖光潤力微出懷慶者皮有疙瘩力大凡資入  
藥宜用懷慶

有一種山地黃乾枯輕浮不宜入劑

修治揀擇沉水者酒洗晒乾或火焙乾用亦有以薑汁炒者  
各依方法酒浸上行薑製不泥隔日乾者平火乾者溫  
生地黃味厚氣薄陰中之陽入手足少陰厥陰及手太陽經  
得清酒麥門冬良惡貝母畏蕪荑忌葱蒜萊菔勿犯銅鐵器

令人腎消并髮白  
 千金方治吐血唾血補虛除熱取乳石去癰癰等疾鮮地黄  
 不拘多少三搗三壓取汁令盡以磁器盛之密蓋勿洩氣湯  
 上煑減半絞去滓再煎如錫丸彈子大每溫酒服一九日二  
 服良  
 生地黄君

**熟地黄** 係縮砂酒拌蒸熟者。

氣味甘微苦微溫無毒

主治填骨髓長肌肉生精血補五臟內傷不足通血脈利耳目  
 黑鬚髮男子五勞七傷女子傷中胞漏經候不調胎產百病  
 補血氣滋腎水益真陰去臍腹急痛病後腰肢酸痛○坐而  
 欲起目瞢瞢無所見

懷熟地黄  
本經上品



頂條



中條

入藥惟懷慶熟地黃最優杭地黃及山地黃不堪用今市家或以酒煮或以黑豆湯拌蒸或用鐵鍋煮熟售者勿用修治揀取沉水肥大者以好黃酒入縮砂仁在內拌勻用木甌於瓦鍋內蒸令氣透娘乾再以砂仁酒拌蒸娘如此九蒸九娘乃止蓋地黃性泥得砂仁之香而竄合和五臟冲和之氣歸宿丹田故也

熟地黃味厚氣薄陰中之陽沉也入手足少陰厥陰經忌葱蒜萊菔諸血聖惠方治病後虛汗口乾心燥熟地黃五兩水三盞煎一盞半分三服一日盡 熟地黃君

**白朮** 始生鄭山山谷漢中南鄭春生苗青色無桎莖作蒿幹狀青赤色長三二尺以來夏開花紫碧色或黃白色似刺薊花故本經載名山薊根類薑故別錄名山薑揚州之域多種白朮其


狀如枹。故一名楊枹。枹乃鼓槌之名。按六書本義。木字篆文象其根幹枝葉之形。

氣味甘溫無毒


主治風寒濕痺死肌痙疽止汗除熱消食作煎餌久服輕身延年不飢。○主大風在身面風眩頭痛目淚出消痰水逐皮間風水結腫除心下急滿霍亂吐下不止利腰膝間血益津液暖胃消穀嗜食。○治心腹脹滿中冷痛胃虛下利多年氣痢除寒熱止嘔逆。○反胃利小便主五勞七傷補腰膝長肌肉治冷氣痙瘕痺氣塊婦人冷癥瘕。○除濕益氣和中補陽消痰逐水生津止渴止瀉痢消足胫溫腫除胃中熱肌熱得枳實消痞滿氣分佐黃芩安胎清熱。○理胃益脾補肝風虛主舌本強食則嘔胃脘痛身體重心下急痛心下水痞衝脉為病逆氣裏急臍腹痛

入藥用根二月三月八月九月采暴乾

白朮  
本經  
上品  
雲頭朮



產歙者  
俗呼狗頭朮



浙朮  
俗呼雞腿朮  
過夏生油

雲頭朮種平壤雖肥大由糞力也易生油狗頭朮雞腿朮雖瘦小得土氣充也甚燥白朮用不拘州土惟白為勝  
修治去蘆以米泔浸一宿切片用東壁土炒亦有乳汁浸者  
白朮味厚氣薄陽中陰也可亦可降入手太陽少陰足太陰陽明少陰厥陰六經  
防風地榆為之使忌食桃李雀蛤  
簡便方治濕瀉暑瀉白朮車前子等分炒為末白湯調下二三錢効  
白朮君

白朮

今以茅山者為良苗高二三尺其葉抱莖而生稍間葉似

棠梨其脚下葉有三五入有鋸齒小刺根蒼黑色故名蒼木木者山之精也故抱朴子名山精服之令人長生辟穀致神仙故來仙家仙木之稱。

氣味甘辛溫無毒

主治風寒濕痺死肌瘰癧作剪餌久服輕身延年不飢○主頭痛消痰水逐皮膚風水結腫除心下急滿及霍亂吐下不止暖胃消穀嗜食○除惡氣弭災沴○主大風癰痺心腹脹痛水腫脹滿除寒熱止嘔逆下泄冷痢○治筋骨軟弱痿痺氣塊婦人冷氣噉瘕山嵐瘴氣溫疾○明目暖水臟○除濕發汗建胃安脾治痿要藥○散風益氣總解諸鬱

蒼木

本經

上品

根形



皮黑肉

白有黃

點



茅山蒼朮堅小肉白氣味甘辛他山蒼朮塊太肉黃氣味辛烈又有一種蒼朮皮白肉白堅實氣味亦甘辛較之茅山者少之北人每呼為南蒼朮比西山者勝

修治蒼朮性燥丸用去上粗皮以米泔浸一宿去其油切片焙乾亦有用脂麻同炒以制其燥者

蒼朮性溫而燥陰中陽也可升可降入足太陰陽明手太陰陽

明太陽之經  
忘桃李菰菜雀肉青魚

張仲景辟一切惡氣用蒼朮同豬蹄甲燒烟陶隱居亦言朮能

除惡氣弭灾沴故今病疫及歲旦人家往往燒蒼朮以辟邪氣類編載越民高氏妻病恍惚譫語亡夫之鬼憑之其家燒

蒼朮烟鬼遽求去夷堅志載江西一士人為女妖所染其鬼將別曰君為陰氣所侵必然暴泄但多服平胃散為良中有

蒼朮能去邪也  
蒼朮君

**蒼朮**

苗春生田野間高尺餘莖圓葉尖有齒至夏抽三四穗

花黃色結實三稜類蓖麻子。五月採苗。治風濕有透骨搜風之功。故名透骨草。

氣味甘辛無毒

主治一切風濕筋骨疼痛拘攣寒濕脚氣遍身瘡癬疥癩腫毒

透骨草

新增



莖葉俱青高一二尺

乾透骨草葉不顯鋸齒

入藥苗花並用與馬鞭草大不相似馬鞭草花葉如菊紫花  
透骨草尖葉類藍黃花治療亦異用者宜審  
晉濟方治反胃吐食透骨草獨科蒼耳生牡蠣各一錢薑三片  
水煎服

楊誠經驗方治一切腫毒初起用透骨草漏蘆防風地榆等分  
煎湯綿蘸乘熱不住盪之二三日即消

**前胡**

苳音

始生弘農川谷及冤句。今以銀夏者為佳。根長尺餘。

色白而軟。俗呼銀柴胡。生北地者。根狀如前胡。而強硬如柴。故名柴胡。其苗有如韭葉者。竹葉者。和蒿者。以竹葉者為勝。柴胡生山中。其苗嫩則可茹。故別錄名芸蒿。吳普本草名山菜。又名茹草。其苗老則采而為柴。故根名柴胡。此又一說也。

氣味苦平無毒

主治心腹腸胃中結氣。飲食積聚寒熱邪氣。推陳致新。久服輕身明目益精。○除傷寒心下煩熱。諸痰熱結實胸中邪氣。五臟間遊氣。大腸停積水脹及濕痺拘攣。亦可作浴湯。○治熱

勞骨節煩疼熱氣肩背疼痛勞乏羸瘦下氣消食宣暢氣血  
 主時疾內外熱不解單煮服之良○補五勞七傷除煩止驚  
 益氣力消痰止嗽潤心肺添精髓健忘○除虛勞散肌熱去  
 早辰潮熱寒熱往來膽痺婦人產前產後諸熱心下痞胸脇  
 痛○治陽氣下陷平肝膽三焦包絡相火及頭痛眩運目昏  
 赤痛障翳耳聾鳴諸瘡及肥氣寒熱婦人經水不調小兒痘  
 疹餘熱五疳羸熱  
 銀夏柴胡根類沙參而大皮皺色黃白肉有黃紋市賣皆然

此胡  
 本經  
 上品

根有長及一二尺者

鼠尾者佳

入藥用根

山柴胡  
 色紫或黑色長大者佳



二月  
 八月  
 采根  
 暴乾

修治去蘆及鬚水洗淨剉用勿令犯火欲上升用根酒浸欲下

降用稍

柴胡氣味俱輕陽也升也陰中之陽手足少陽厥陰四經引經藥也

半夏為之使惡蜀葵皂莢畏女茺藜蘆

許學士本事方治傷寒之後邪入經絡體瘦肌熱推陳致新解

利傷寒時氣伏暑倉卒並治不論長幼柴胡四兩甘草一兩

每用三錢水一盞煎服

千金方治眼目昏暗者柴胡六銖決明子十八銖治篩人乳汁

和傳目上久久夜見五色柴胡君

**麥門冬**始生函谷川谷及隄坂肥土石間久廢處葉青如韭故

秦名烏韭齊名愛韭楚名馬韭越名羊韭此草凌冬不凋故名

麥本草名忍冬又名忍凌根白色有鬚連珠類穠麥穎故名麥

麥冬。麥。冬。麥。冬。俗作門冬。便于字也。

氣味甘平無毒


主治心腹結氣。腸中傷飽。胃絡脈絕。羸瘦短氣。久服輕身不老。  
不飢。○療身重目黃。心下支滿。虛勞客熱。口乾燥渴。止嘔吐。  
愈痿。瘳強陰益精。消穀調中。保神定肺。氣安五臟。令人肥健。  
美顏色。有子。○去心熱。止煩熱。寒熱體勞。下痰飲。○治五勞。  
七傷。安魂定魄。止嗽定肺。痿吐膿時。疾熱狂頭痛。○治熱毒。  
大水。面目肢節浮腫。下水主泄精。○治肺中伏火。補心氣不。  
足。主血妄行及經水枯。乳汁不下。○久服明目。和車前地黃。  
丸服去濕痺。變白夜視有光。○斷穀為要藥。

麥冬

冬

本經

上品



二月十  
月采

入藥用根

凡用擇肥大者為佳

修治以滾水潤溫少頃抽心或以沙鍋焙軟乘熱去心不爾令

人煩若以水浸多時去心柔則柔矣然氣味都盡用之不効

天門冬亦然

麥冬微苦微寒陽中微陰入手太陰經氣分

地黃車前為之使惡款冬花苦瓠苦葵畏苦參青蘘木耳伏石

鍾乳

保命集治衄血不止麥門冬去心生地黃各五錢水煎服立止

蘭室寶鑑治齒縫出血麥門冬煎湯漱之

麥冬君 藥音門

**麥冬** 始生河內川谷及宛句般陽續山今出近道二月生苗如

葵葉青色七八月抽莖高二三尺莖上之葉如枸杞葉有細齒

開紫花亦有白花者折其莖根有白汁出故別錄名羊乳俚人

為羊婆奶。其根如葵根白色。生黃土地者短而小。生沙地者長尺餘白而實。此草宜於沙地。故本經名沙參。吳普名白參。弘景曰。沙參與人參。玄參。丹參。苦參。是為五參。其形不盡相類。而主療頗同。故皆有參名。

氣味甘微苦無毒

主治血結驚氣除寒熱補中益肺氣。○療胃痺心腹痛結熱和氣頭痛皮間邪熱安五臟久服利人主頭腫痛益氣長肌肉。○去皮肌浮風疝氣下墜治常欲眠養肝氣宜五臟風氣。○補虛止驚煩益心肺并一切惡瘡疥癬及勾瘻排膿消腫毒。沙參

本經上品



二月八月采根暴乾



沙參形如桔梗無桔梗肉實亦無桔梗金井玉欄之狀又似薺芫無薺芫色白亦無薺芫蘆頭數股之多然而有心者為桔梗多蘆者為薺芫市者彼此代充深為可恨用沙參者宜擇獨蘆無心色黃白肉虛者真也本經云中正白實者良就沙參之虛實黃白而論也

沙參惡防己反藜蘆  
衛生易簡方沙參五錢水煎服之治肺熱欬嗽効  
沙參臣

**沙參**

出高麗者第一。今南北俱有。春初生苗。引赤蔓於木上。

葉似杏葉。三四月開黃白花。七月成實。叢生莖端如梧子大。生青熟紅紫。其實皮甘肉酸核中辛苦。都有鹹味。故名五味子。典術曰。五味者。五行之精。其莖赤花黃白。生青熟紫黑。亦具五色。

且能養五臟。是以稱五。

氣味酸溫無毒

主治益氣效逆上氣勞傷羸瘦補不足強陰益男子精○養五

臟除熱生陰中肌○治中下氣止嘔逆補虛勞令人體悅澤

○明目暖水臟壯筋骨治風消食反胃霍亂轉筋痲痺奔豚

冷氣消水腫心腹氣脹止渴除煩熱解酒毒○生津止渴治

瀉痢補元氣不足收耗散之氣瞳子散火○治喘欬燥嗽壯

水鎮陽

五味子

本經上

品

遼五味子鮮  
紅色久黑色  
俱多膏潤澤

南五味子新  
紫色久亦黑  
但少膏乾燥

核

子比蔓荊子而大北者溫潤南者乾枯凡用以北為勝雷公  
云小顆皺有白樸鹽霜一重其味酸鹹苦辛甘味全者為真  
則南五味陳久自生白樸是雷公之言是南而非北不知南  
北各有所長風寒欬嗽南五味為奇虛寒勞傷北五味為佳

修治入補藥蜜浸蒸用入嗽藥生用連核入藥其核如猪腎  
五味子味厚氣輕陰中微陽入手太陰血分足少陰氣分  
從蓉為之使惡萎蕤勝烏頭  
攝生方治久效不止用五味子一兩真茶四錢晒研為末以甘  
草五錢煎膏丸綠豆大每服三十九沸湯下數日即愈  
五味子君

**車前**始生真定平澤丘陵阪道中今處處有之春初生苗葉布

地如匙面累年者長及尺餘中抽數莖作長穗如鼠尾花甚細

密結實如葶藶赤黑色此草好生道邊及牛馬足跡中故本經

名車前又名當道別錄名馬舄舄音昔又名牛遺足履也幽人謂之牛

舌草象形也騷騷喜藏伏于下故江東稱為騷蓂衣詩云采采

米苣即此也。

子其寒無毒主治氣癰止痛  
利水道小便除濕痺久服輕  
身耐老○男子傷中女子淋  
瀝不欲食養肺強陰益精令  
人有子明目療赤痛○去風  
毒肝中風熱毒風衝眼赤痛  
障翳腦痛淚出壓丹石毒去  
心煩熱○養肝○收婦人  
難產○導小腸熱止暑瀉痢  
葉根氣味辛寒無毒主治金  
瘡止血衄鼻瘀血血癥下血  
小便赤止煩下氣除小蟲主  
陰瘡葉主泄精病治尿血能  
補五臟明目利小便通五淋

車前本經上品

穗類

鼠尾

葉似牛舌



五月五日  
采苗七月八月采實

凡用須一窠有九葉內有莖莖長一尺二寸者力全堪用  
修治用子必以水淘洗去泥沙晒乾入湯液炒過盛絹袋中同  
群藥煎庶湯清飲不糊口或藥煎熟臨服入車前子亦得入  
丸散以酒浸一宿蒸熟研爛作餅晒乾焙研○使葉根洗去  
土稱一鎰者力全用葉勿使莖莖剉細於新瓦上攤乾用  
子常山為之使葉伏瓦黃結草砂伏五礬粉霜  
全幼心鑑治初生小兒尿澀不通車前搗汁入蜜少許灌之  
圖經本草治鼻衄不止生車前葉搗汁飲之甚善  
千金方治金瘡血出車前葉搗傅之良  
車前君

**蓬蒿**

始生太山及丘陵坡岸上今近道有之似蓬蒿而葉繁

細無花實莖幹經冬不死至春更因舊莖而生新葉故謂之茵  
陳蒿。

氣味苦平微寒無毒

春生苗其莖如艾葉如淡色青

主治風濕寒熱和氣

蒿而背白多岐

熱結黃疸久服輕身

益氣耐老面白悅長

年治小便不利除頭

熱去伏瘕通閉節傷

寒用之治時疫熱狂

亦有有花實者

頭痛風眼瘡瘡悶損

三月采收晒乾

凡用茵陳要連枯莖者

本經上品

陰中微陽入足太陽經

伏砵砂

千金方治遍身風痒瘡疥

用茵陳蒿煮濃汁洗之立瘥

茵陳蒿使

始生蒿高山谷今處處有之

春生苗延蔓紫莖青葉有三

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者

秋結實子葉間狀如鈴有

尖光澤夏開細白花亦有淡紅花者



一種根如薑芋之類而皮紫。極有大者。有一種生山中。根細如指。極緊實者。刮磨入湯煑食。味咸甘美。因根皮外黃如芋。山谷生者。入藥為勝。故吳普本草名山芋。圖經名山藟。又一名藟藟。一名藟藟。一名土藟。彼土人呼為藟。其音相近。或語有輕重。或相傳之訛耳。其山藥正名藟藟。因唐代宗名預。避諱改為薯蕷。又因宋英宗諱署。改為山藥。蓋言山中之藥也。

氣味甘溫平無毒

主治傷中補虛羸除寒熱和氣補中益氣力長肌肉強陰久服耳目聰明輕身不飢延年○主頭面遊風頭風眼眩下氣止腰痛治虛勞羸瘦充五臟除煩熱○補五勞七傷去冷風鎮

本草原始

草部

卷十三

心神安魂魄補心氣不足開達心孔多記事○強筋骨主泄  
精健忘○益賢健脾止洩痢化痰涎潤皮毛○生痔貼腫硬  
毒能消散

山藥

皮黃多鬚

本品

俗呼片手山藥堪食

今人多用懷慶者



凡入藥色者為上青黑者不堪

修治擇山產條直堅白者生乾之故古方皆用乾山藥蓋生則

性滑熟則滯氣只宜用竹刀刮去皮竹節盛置簷風處或置

焙籠中微火烘乾亦佳若晒乾九藥晒乾極多則古人何必

加乾字干山藥之上

紫芝為之使惡甘遂入手足太陰二經

普濟方治心脹虛脹手不厥逆或飲苦寒之劑過多未食先嘔

不思飲食山藥半生半炒為細末米飲調服二錢一日二服

大有功效忌鐵器生冷

山藥臣



**澤瀉**

始生汝南池澤。今以漢中者為佳。苗春生。葉似牛舌。獨莖

而長。根作塊。色黃白。痕中有鬚毛。多生池澤淺水。性能瀉水。故

名澤瀉。

氣味甘寒無毒

主治風寒濕痺。乳難養五臟。益氣力。肥健。消水。久服耳目聰明。

不飢延年。輕身。面生光。能行水上。○補虛損五臟。痞滿。起陰

氣止。洩精。消渴。淋瀝。逐膀胱。三臍停水。○主腎虛精自出。治

五淋。宣通水道。○主頭旋耳虛。鳴。筋骨攣縮。通小腸。止尿血。

主產難。補女人血海。令人有子。○入腎經。去舊水。養新水。利

小便。消脹。腫。滲瀉。止渴。○去胛中留垢。心下水痞。○滲濕熱

行痰。飲止。嘔吐。瀉痢。疝痛。脚氣。

今汝南不復采。惟以涇州華川者為善。今山東河陝江淮

亦有之。惟漢中者最優。

澤瀉  
本經  
上品

八月采



黃色白



痕中  
有鬚  
毛



入藥用根  
蟲易蛀損  
宜密藏

有一種形象三稜體稍輕山人每呼為水澤瀉市多以此亂真用者宜審

修治去毛酒浸一宿細剉暴乾任用  
氣寒味厚陰也陰中微陽入足太陽少陰經

畏海蛤文蛤

保命集治水濕腫脹白朮澤瀉各一兩為末或為丸每服三錢

白茯苓湯下

澤瀉君

始生太山及宛句川谷今河陝洛西州郡皆有之。莖葉青

色而極細小。故苗名小草。三月開白花。亦有紅花者。其根長及一尺。昔陵陽仲子服此二十年。開書所視。永記而不忘。功能強志。故有遠志之稱。

根氣味苦溫無毒


主治欬逆傷中補不足除邪氣利九竅益智慧耳日聰明不忘強志倍力久服輕身不老○利丈夫定心氣止驚悸益精去心下膈氣皮膚中熱面目黃○救天雄附子烏頭毒煎汁飲之○治健忘安魂魄令人不迷堅壯陽道○長肌肉助筋骨婦人血噤失音小兒客忤○腎積奔豚

葉主治益精補陰止虛損夢洩

遠志

本經

上品



入藥根苗俱用

皮皺粗大者良

四月采

修治遠志甘草湯浸一宿去骨暴乾或焙乾用  
得茯苓冬葵子龍骨良畏珍珠藜蘆蜚蠊齊蛤入足少陰腎經  
肘后方治心孔惛塞多忘丁酉日密自至市買遠志着巾角中  
還為末服之勿令人知 遠志君

**龍膽**

生齊胸山谷及寬句今出近道根黃白色下抽根十餘條


類牛膝而粗短四月生苗細莖如小竹枝七月開花如牽牛花  
作鈴鐸狀青碧色冬後結子因葉如龍葵根如膽苦故名龍膽  
俗呼龍膽草亦名草龍膽

氣味苦瀋大寒無毒

主治骨間寒熱驚癇和氣續絕傷定五臟殺蠱毒○除胃中伏  
熱時氣溫熱熱泄下痢去腸中小蟲益肝膽氣止驚惕久服  
益智不忘輕身耐老○治小兒壯熱骨熱驚癇入心時疾熱

黃癰腫口乾○客忤瘴氣熱狂明目止煩治瘡疥○去目中  
黃及睛赤腫脹癢肉高起痛不可忍○退肝經邪熱除下焦  
濕熱之腫瀉膀胱火○療咽喉痛風熱盜汗

龍膽  
本經  
上品



二月八月十一月采根陰乾 根彷彿當歸

凡用根肥長色黃白者佳

修治以甘草湯浸一宿去頭子剉細暴乾用

氣味俱厚沉而降陰也足厥陰少陽經氣分藥也貫仲小豆為

之使惡地黃防葵

楊氏家藏方治婦人小兒一切盜汗并傷寒後盜汗不止龍膽

草為末每服一錢豬膽汁三兩點入溫酒少許調服

姚僧坦集驗方治卒然尿血不止龍膽一虎口水五升煮取二

升半分為五服 龍膽君

本草原始

草部

卷十六

**巴戟天**

生巴郡及下邳山谷。今江淮河東州郡亦有之。根如連

珠。宿根青色。嫩根白色。老根紫色。其葉似茗。經冬不凋。故曰華

子。大明序集諸家本草。名不凋草。

巴戟天名義不知。以俟後之君子解之。

氣味辛甘微溫無毒

主治大風邪氣陰痿不起。強筋骨。安五臟。補中。增志。益氣。○療頭面遊風。小腹及陰中相引痛。補五勞。益精。利男子。○治男子夜夢鬼交。精洩。強陰下氣。治風癰。○治一切風。療水脹。入藥用根。

巴戟天  
本經上品



二月八月采根陰乾。連珠肉厚者勝。

今方家多以紫色者為良。蜀人云都無紫色者。采時或用黑豆同煮。欲其色紫。殊失氣味。尤宜辨之。又有一種山律根。正似巴戟。但色白。土人采得。以醋水煮之。乃以雜巴戟。莫能辨也。但擊破視之。中紫色。而鮮紫者偽也。其中雖紫。又有微白。粹有粉色。而理小暗者真也。

修治巴戟以酒浸一宿。入心。剉焙。若急用以滾水浸軟。去心巴戟。天腎經血分藥也。履盆子為之使惡。雷丸。丹參。朝生巴戟。天使。

**衛矛** 始生霍山山谷。今江淮州郡有之。生山石間。小株成叢。春長嫩條。條上四面有羽如箭羽。視之若三羽爾。葉青。狀似野茶。對生。三四月開碎花。黃綠色。結實大如冬青子。劉熙釋名。言齊人謂箭羽為衛。此物幹有直羽如箭羽。矛乃自衛之狀。故名衛。

矛。廣雅謂之神箭。別錄謂之鬼箭。

氣味苦寒無毒

主治女子崩中下血腹滿汗出除和殺鬼毒蠱症中惡腹痛  
去白虫消皮膚風毒腫令陰中解療婦人血氣大效破  
陳血能落胎主百邪鬼魅通月經破癥結止帶下殺腹臟  
蟲及產後血咬腹痛

衛矛俗呼

鬼箭

本經中品



衛矛莖黃綠色羽紫皂色二月七月采莖陰乾入藥

修治衛矛去葉剉以酥拌緩炒

聖濟總錄治鬼癰日發鬼箭羽川山甲燒灰為末每以一字發  
時喘鼻

道家所用十二精鬼精鬼箭即此也

衛矛使



**細辛** 生華陰山谷。今處處有之。然他處所出者。不及華陰者真。

葉如葵。赤黑色。其根細而其味極辛。故名之曰細辛。按山海經云。浮戲之山。多少辛。管子云。五沃之土。群藥生。少辛是矣。

氣味辛溫無毒

主治欬逆上氣。頭痛腦動。百節拘攣。風濕痺痛。死肌。久服明目。利九竅。輕身長年。○溫中下氣。破痰利水道。開胸中滯。結除喉痺。辭鼻不聞香臭。風癩癰疾。下乳結汗。不出血。不行安五臟。益肝膽。通精氣。○添膽氣。治嗽去皮風。濕痺。風眼淚。下除齒痛。血閉。婦人血滯。腰痛。○含之去口臭。○潤肝燥。治督脈為病。脊強而厥。○治口舌生瘡。大便秘結。起目中倒睫。得當歸為藥。白芷芎藭牡丹皮。葉本甘草共療。婦人得決明。鯉魚膽。青羊肝共療。目痛以獨活為使。治少陰頭痛如神。亦止諸陽頭痛。

遠細辛形

二月

西細辛

細辛  
本經  
上品

氣香色黃  
白味極辛

入藥



根粗色黑味微辛

博物志言杜衡亂細辛自古已然沈氏所說甚詳大抵亂細辛

者不止杜衡用者當以根苗色味細辨之葉如葵柔莖細根

色紫味極辛嚼之習習如椒而更甚於椒者細辛也葉似馬

蹄莖粗根曲色黃白味微辛者杜衡也俗呼馬蹄香當細辛

用最多一莖直上莖端生葉如纖根似細辛微粗直而色黃

白味辛微苦者鬼督郵也似鬼督郵而色黑者及已也葉似

小桑根似細辛微粗長而黃色味辛而有臊氣者徐長卿也

葉似柳而根似細辛粗長黃白色而味苦者白微也

修治細辛切去頭子以爪水浸一宿暴乾用

氣厚于味陽也升也入足厥陰少陰血分為手少陰引經之藥  
皆青棗根為之使惡黃耆狼毒山茱萸忌生茱萸肉畏消石滑

石反藜蘆

龔氏經驗方治諸般耳聾真細辛末溶黃蠟丸鼠屎大綿裹一  
細辛臣丸塞之二次即愈

**石斛**

始生六安山谷。今出荆襄及漢中江左有二種。一種生水

旁石上。莖似小竹。節節間出碎葉。折之有肉中實。名石斛。一種  
生櫟木上。莖似麥稈而匾大。葉在莖頭。折之無肉中虛。名木斛。  
因莖如金釵之股。故獲金釵石斛之稱。

氣味甘平無毒

主治傷中除痺下氣補五臟虛勞羸瘦強陰益精久服厚腸胃  
補內絕不足平胃氣長肌肉逐皮膚邪熱痹氣脚膝疼冷痺  
弱定志除驚輕身延年○益氣除熱治男子腰脚軟弱健陽

本草原始

草部

一卷十九

逐皮肌風痺骨中久冷補腎益力壯筋骨煖水臟益智清氣  
治發熱自汗瘰癧排膿內塞

重圖

石斛叢生石上根糾結甚繁  
乾則白軟莖有節心實

本經  
上品

莖圖

木斛亦叢生根黑  
莖亦有節心空  
石斛入藥佳木斛不堪用今人見木斛形陋如釵多  
用木斛醫家亦不能明辨予並寫其象令用者知莖



圓中實者為石斛實者有力莖區中虛者為木斛虛者無能不特此也凡藥皆然

修治石斛去根頭酒浸軟暴乾剉用或以酥拌蒸焙乾剉用一味其淡微鹹陰中之陽降也乃足太陰脾足少陰右腎之藥石斛陸英為之使惡凝水石巴豆畏雷丸殭蠶

袖珍方治曉毛倒入用石斛川芎薊等分為末口內含水隨左右嚼鼻日二次

石斛君

**肉從蓉** 陝西州郡俱有生大木及土壅垣中舊說是馬遺溼所

生此非游牝之所而有此則知自是一種類耳皮如松稍有鱗甲形柔軟如肉故吳普名肉松蓉本經名肉從蓉從容和緩之貌此藥補而不峻故有從蓉之號


氣味甘微溫無毒

主治五勞七傷補中除莖中寒熱痛養五臟強陰益精氣多子  
婦人癥瘕久服輕身○除膀胱邪氣腰痛止痢○益髓悅顏  
色延年大補壯陽日御過倍治女人血崩○男子絕陽不興  
女子絕陰不產潤五臟長肌肉暖腰膝男子洩精血遺瀝女  
子帶下陰痛

肉蓯蓉

色黑

蓉本



品

皮有鱗甲肉有筋膜

二月采陰乾



長五六寸至一尺以來

肉蓯蓉肥大柔軟者佳乾枯瘦小者劣今人多以金蓮根草蓯

蓉嫩松稍鹽潤充之用者宜審

修治酒浸一宿刷去浮甲劈破中心去白膜一重焙乾用或酥

炙得所

肉蓯蓉腎經血分藥也

本經方肉蓯蓉四兩刮去鱗甲酒浸洗去黑汁薄切合山藥二兩羊肉八兩作羹極美益人勝服補藥肉蓯蓉臣

**草蓯蓉**

生山南巖石上暮春抽苗長五六寸至一尺以來莖花

俱紫色與肉蓯蓉極相類故名草蓯蓉日華子名花蓯蓉俗呼

紫花地丁。

氣味甘溫無毒

主治男子五勞七傷補腰腎令人有子去風血煮酒浸酒服之諸瘡可作洗湯

草蓯蓉

開寶名

列當

今原州秦州渭州靈州皆有之花繁密紫色莖圓有鱗甲四月中旬采取壓匾日乾



本草原始

草部

卷二

食醫心鏡治陽不興草從容好者二斤以好酒一斗浸之經宿  
隨意日飲之

**葍**

生河西川谷積沙山及上郡春生青苗高一二尺葉如槐

葉七月開紫花結角作一本生如相思角至熟時角拆子扁如  
小豆極堅根長者三四尺粗細不定皮赤肉黃其味甘甜故名  
葍。別錄名蜜草。又名國老。弘景曰。此草最為衆藥之主。經方  
少有不用者。猶如香中有沉香也。國老即帝師之稱。雖非君而  
為君所宗。是以能安和草石而解諸毒也。甄權曰。諸藥中甘草  
為君。治七十二種乳石毒。解一千二百般草木毒。調和衆藥有



功。故有國老之稱。

氣味甘平無毒

主治五臟六腑寒熱和氣堅筋骨長肌肉倍氣力金瘡癰腫解毒  
久服輕身延年○溫中下氣煩滿短氣傷臟欬止渴通經  
脉利血氣解百藥毒為九土之精安和七十二種石一千二  
百種草○主腹中冷痛治驚癇除腹脹滿補益五臟腎氣內  
傷令人陰不痿主婦人血瀝腰痛凡虛而多熱者加用之○  
安魂定魄補五勞七傷一切虛損驚悸煩悶健忘通九竅利  
百脉益精養氣壯筋骨○生用瀉火熱熱用散寒去咽痛  
除和熱緩正氣養陰血補脾胃潤肺○吐肺痿之膿血消五  
癰之瘡疽○解小兒胎毒  
稍主生用治胸中積熱去莖中痛加酒煮玄胡索苦楝子尤  
妙  
頭主生用能行足厥陰陽明二經汚濁之血消腫導毒  
節主治癰疽焮腫

二月八月除日采根暴乾

甘草本經上品

皮赤肉黃

今甘草有數種其堅實斷理粗大者佳其輕虛縱理及細韌者不堪

修治去頭尾刮去赤皮補中宜炙用瀉火宜生用

甘草氣薄味厚升而浮陽也入足太陰厥陰經綱目曰通入手

足十二經

木舌參乾漆為之使惡遠志反大戟芫花甘遂海藻

金匱玉函方治飲饌中毒未甯何物卒急無藥只煎甘草薺芫

入口便活

下金方治陰頭生瘡蜜煎甘草末頻塗之神效 甘草君

**牛膝**始生河內川谷及臨朐。今以懷慶者為良。春生苗莖高二

三尺青紫色有節如牛膝。葉頗似莧菜葉而長且尖。鞘兩兩相對於節上。生花作穗。秋結實甚細。根長二三尺柔潤。有雄雌二種。雄者麓長。雌者細短。因莖似牛膝。故名牛膝。廣雅名牛莖。因葉似莧。嫩可茹。故救荒本草名山莧菜。

氣味苦酸平無毒

主治寒濕痿痺四肢拘攣膝痛不可屈伸。逐血氣傷熱。火爛墮胎。久服輕身耐老。○療傷中少氣。男子陰消。老人失溺。補中續絕。益精利陰。氣填骨髓。止髮白。除腦中痛。及腰痛。婦人月水不通。血結。○治陰痿。補腎助十二經。脉逐惡血。○治腰膝軟怯。冬弱破癥結。排膿止痛。產後心腹痛。并血運落死胎。○強筋補肝。臟風虛。○同苳蓉。浸酒服。益腎。竹木刺入肉嚼爛。卷之即出。○治久瘡。寒熱五淋。尿血。莖中痛。下痢。喉痺。口

瘡毒痛癰腫惡瘡傷折

牛膝本經上品 九月末取根水浸按皮暴乾懷慶者佳



莖紫節大者為雄莖青節細者為雌



根長大柔潤者為雄根細小多歧者為雌俱有肉色

凡用牛膝擇懷慶白亮長及尺餘無歧者最優色紫短細者下

色黑乾枯者乃土牛膝耳不堪服食

修治牛膝去蘆頭欲下行生用滋補焙用或酒拌蒸過用

牛膝足厥陰少陰之藥

惡螢火龜甲畏白前忌牛肉

外臺秘要治勞瘡積久不止者牛膝一握生切以水六升煮二

升分三服早晨一服未發前一服臨發時一服

牛膝君

**黃連**

始生巫陽川谷及蜀郡太山之陽。今以宣城者為勝。苗高一尺以來。葉似甘菊。凌冬不凋。四月開花黃色。六月結實似芹。

子色亦黃。其根如鷹鷄爪。連珠而色黃。故名黃連。

氣味苦寒無毒

主治熱氣目痛皆傷泣出。明目。腸澼腹痛。下痢。婦人陰中腫痛。

久服令人不忘。○主五臟冷熱。久下洩。澼膿血止。消渴大驚。

除水利骨。調胃厚腸。益膽療口瘡。○治五勞七傷。益氣止心。

腹痛驚悸。煩燥。潤心肺。長肉止血。天行熱疾。止盜汗。并瘡疥。

豬肚。萎為丸。治小兒疳氣。殺蟲。○羸瘦氣急。○治鬱熱在中。

燥煩惡心。兀兀欲吐。心下痞滿。○主心病逆而盛。心積伏梁。

○去心竅惡血。解巴豆輕粉毒。

出川省俗呼川黃連。產雅州俗呼雅黃連。生宣城俗呼宣黃連。有連珠無毛而堅實。色深黃者有無珠多毛而中虛。

黃色稍淡者

黃連  
本經上品

入藥用根

二月八月采



凡用黃連選粗大黃色鮮明多節堅重相擊有聲者為勝小而連珠無鬚者次之無珠多毛色淺而虛者不堪用

修治黃連去蘆及鬚治本臟之火生用治肝膽之實火以豬膽汁浸炒治肝膽之虛火以醋浸炒治上焦之火以酒炒治中焦之火以薑汁炒治下焦之火以鹽水或朴消炒治氣分濕熱之火以茱萸湯浸炒治血分塊中伏火以乾漆水炒治食積之火以黃土炒不獨為之引導蓋辛熱能制其苦寒鹹寒能制其燥性在用者詳酌之

黃連氣味俱厚可升可降陰中陽也入手少陰心經為治火之主藥

黃連黃芩龍骨理石為之使惡菊花玄參白鮮皮羌花白殭蠶

畏款冬花牛膝勝烏頭解巴豆毒

斗門方治雞冠痔以黃連末傅之良  
黃連臣 蘇東坡收筆黃連煎汁調輕粉蘸筆頭候乾收不蛀

**地膚子**

生荊州平澤及田野今近地有之苗春生葉似荊芥一

莖數十枝攢簇團團直上性最柔弱七月開黃花子青色似一

眠起蠶沙之狀田野人呼為地麥草名地膚地麥因其子形似

也本經名地葵因其苗味似也圖經名鴨舌草因其葉形似也

俗呼千頭草因枝繁而頭多也藥性名益明因其子功能明目

也子落則老莖可為帚故日華子名落帚圖經名獨帚郭璞名

王帚。弘景名掃帚。

子氣味苦寒無毒。○主治膀胱熱利小便補中益氣久服耳目聰明輕身耐老。○去皮膚中熱氣使人潤澤散惡瘡疥瘕強陰。○治陰卵癰去熱風可作湯沐浴與陽起石同服主丈夫陰痿不起補氣益力。○治客熱丹腫。八月九月采實陰乾壽域神方治脅下疼痛。地膚子為末酒服方寸七。

苗葉氣味苦寒無毒主治搗汁服主赤白痢燒灰亦善煎水洗日去熱暗雀盲瀉痛主大腸泄瀉和氣瀉腸胃解惡瘡毒煎水日服治手足煩疼。



地膚本經上品



按虞搏醫學正傳云搏兄年七十秋間患淋二十餘日後得一

方取地膚草搗自然汁服之遂通地膚君




赤芝一名丹芝生霍山黑芝一名玄芝生常山青芝一名


龍芝生泰山白芝一名玉芝生華山黃芝一名金芝生嵩山紫

芝一名木芝生高夏山六芝俱主祥瑞故曰靈芝



赤芝如珊瑚味苦平主胃中結益心氣補中增慧智不忘久服輕身不老延年神仙




黑芝黑如澤漆味鹹平主癰利水道益腎氣通九竅聰察久食輕身不老延年神仙



青芝如翠  
羽味酸平  
主明目補  
肝氣安精  
魂仁恕久  
食輕身不  
老延年神  
仙  
黃芝如紫  
金味其平  
主心腹五  
和益脾氣  
安神忠信  
和樂久食  
輕身不老  
延年神仙



白芝白如截  
肪味辛平主  
欬逆上氣益  
肺氣通利口  
鼻強志意勇  
悍安魂魄久  
食輕身不老  
神仙  
紫芝味甘溫  
主耳聾利關  
節保神益精  
氣堅筋骨好  
顏色久食輕  
身不老延年  
六芝皆無毒  
六月八月采



按爾雅云茵芝釋曰瑞草名也一歲三華一名茵一名芝論衡云芝生於土土氣和故芝草生瑞命禮曰王者仁慈則芝草生是也

靈芝薯蕷為之使得髮良得麻子仁白瓜子牡桂共益人惡常山畏扁青茵陳蒿

**卷柏**

始生常山山谷今出近道根紫色多鬚形僅寸餘莖葉青

黃彷彿柏葉卷東如雞足故名卷柏吳普名豹足象形也別錄名萬歲綱目名長生不死草言其耐久也

氣味辛平無毒

主治五臟和氣女子陰中寒熱痛癢血閉絕子久服輕身和顏色○止欬逆治脫肛散淋結頭中風眩癢雙強陰益精令人好容顏○通月經治尸症鬼症腹痛百邪鬼魅啼泣○鎮心除面疔頭風暖水臟生用破血灸用止血

香薷本經上品  
修治以鹽水煮

日曬焙用

百一選方治遠

年下血卷柏地

榆焙等分每用

一兩煎數沸通

口服 卷柏君



香草也。四五月生葉。似水芹。胡荽。蛇床。葷。作叢而莖細。其

葉倍香。七八月開碎白花。葉堪作飲。古人因其根節狀如馬銜。

謂之馬銜芎藭。後世因其狀如雀腦。謂之雀腦芎。出關中者為

京芎。亦曰西芎。出蜀中者為川芎。出天台者為台芎。出撫郡者



五月五日采陰

乾

葉似柏

而細色

青黃水

潤色青

綠可愛

為撫芎。皆因地而得名也。惟川為勝。故方中用芎。惟曰川芎。或曰。人頭穹窿窮高。天之象也。此藥上行。專治頭腦諸病。故有芎藭之名。

氣味辛溫無毒

主治中風入腦。頭痛寒痺。筋攣緩急。金瘡。婦人血閉。無子。○除腦中冷動。面上遊風。去來目淚。出多涕唾。忽忽如醉。諸寒冷氣。心腹堅痛。中惡卒急。腫痛。脇風痛。溫中。內寒。○腰脚軟弱。半身不遂。胞衣不下。○一切風。一切氣。一切勞損。一切血補。五勞壯筋骨。調衆脉。破癥結。宿血。養新血。吐血。鼻血。溺血。腦癰。發背。癰癤。癰贅。痔瘡。瘡疥。長肉。排膿。消瘀血。○搜肝氣。補肝血。潤肝燥。補風虛。○燥濕止瀉。痢行氣。開鬱。蜜和九。芡實大。夜服。治風痰殊効。齒根出血。含之多瘥。

芎藭  
本經  
上品

川雀腦者俗呼南芎

西芎多蘆肉甚



三四月采根日乾



白氣甚辛  
烈○已上

凡用以川中大塊重實作雀腦皮色黃黑肉色白不油嚼之微  
辛茸者佳他種不入藥止可為末煎湯沐浴而已九月采佳  
修治以淨水洗浸切片日乾用  
芎藭氣厚味薄浮而升陽也少陽本經引經藥入手足厥陰氣  
分

白芷為之使畏黃連伏雌黃得細辛療金瘡止痛得牡蠣療頭

風吐逆

靈苑方治婦人經水三箇月不行驗胎法川芎生為末空心濃

煎艾湯下一匙腹中微動者是有胎

續十全方治胎氣因跌撲舉重促損不安及子死腹中以芎藭

為末酒服方寸匕須臾一二服立出

芎藭臣

芎藭今人所服最多。頭面風不可缺也。然須以他藥佐之。沈括云：予一族子舊服芎藭，醫鄭叔熊見之，云：芎藭不可久服。多令人暴亡。後族子果無疾而卒。又朝士張子通之妻病腦風，服芎藭甚久，一旦暴亡，皆目見者。此皆單服久則走散真氣，若使他藥佐使，又不久服，中病便已。則烏能至此哉？由此觀之，芎藭久服為禍匪輕。奈何鄉落愚民不知藥性，時采芎藭苗，蘼蕪煎茶，自謂香美，體氣壯健，倖無虞。儻涉虛羸，鮮不蹈其禍者。

**藍實**

即今大葉藍子也。始生河內平澤，今處處有之。人家蔬圃

中作畦蔣。至三月四月生，苗高三二尺許。葉似水蓼，花紅白色。實亦若蓼子，而大黑色。五月六月采實，其葉可以染青。染反勝于其質。故曰：青出于藍而青于藍者也。爾雅所謂歲馬藍是也。

埤雅云。月令仲夏令民無刈藍以染。鄭玄言恐傷長養之氣也。

然則刈藍先王有禁。故制字從監。

藍實氣味苦寒無毒

主治解諸毒殺蠱蚊疰鬼螫毒久

服頭不白輕身

填骨髓明目耳目利五臟調六腑

通關節治經絡中結氣使人捷

少睡益心力○療毒腫

藍葉汁氣味苦甘寒無毒主治殺

百藥毒解狼毒射罔毒

汁塗五心煩悶療蜂螫毒

昔張薦員外在劔南為張延賞判官忽被斑蜘蛛咬項上一宿

咬處有二道赤色細如箸繞項上從胃前下至心經兩宿頭

面腫疼如數升盃大肚漸腫幾至不救張相素重薦因出家

藍  
本經上品





財五百千并薦家財又數百千募能療者忽一人應召云可治張相初甚不信欲驗其方遂令目前合藥其人曰不惜方當療人性命耳遂取大藍汁一盞以蜘蛛投之藍汁良久方出得汁中甚困不能動又別搗汁加麝香末取蜘蛛投之至汁而死又更取藍汁麝香復加雄黃和之更取蜘蛛投汁中隨化為水張相及諸人甚異之遂令點於咬處兩日內悉平愈咬處作小瘡痂落如舊凡蟲牙傷皆可點咬處或服其汁神異之極也

藍實君

**青黛**是波斯國藍靛花也路遠難得中國靛花主治與青黛同功亦可以此代之故假為名綱目云黛眉色也劉熙釋名曰滅去眉毛以此代之故謂之黛

氣味鹹寒無毒

主治解諸藥毒小兒諸熱驚癇發熱天行頭痛寒熱并水研服

之亦磨傳熱瘡惡腫金瘡下血蛇犬等毒○解小兒疳熱殺  
蟲○小兒丹熱和水服之同雞子白大黃末傳瘡癰蛇疳螫  
毒○瀉肝散五臟鬱火解熱消食積○去熱煩吐血咯血斑  
瘡惡瘡

青黛本經  
上品



花紫碧體  
輕浮者佳



靛枯黑體  
重實者劣

市多取乾靛羅青充賣入藥宜擇嬌嫩體輕者以水飛淨灰脚

日乾任用

按靛花雖非青黛然治小兒疳蝕下痢消瘦發熱屢有奇功古  
歌云小兒雜症變成疳不問強羸女與男腹內時時如下痢  
青黃赤白一般般眼澁面黃鼻孔赤穀道開張不欲看煩熱  
毛焦兼口渴皮膚枯槁四肢癱唇裂嘔逆不乳哺壯熱增寒  
臥不安此方便是青黛散取效猶如服聖丹  
談楚翁方治耳疳出汗青黛黃柏末乾搽愈又名綠袍散搽口  
瘡效

青黛君

**蒺藜**。生馮翊平澤。或道傍布地蔓生。葉如初生皂莢葉。整齊可愛。子有刺。狀如菱而小。人過之。足不敢履。故本經一名屈人。一名止行。今軍家乃鑄鐵作之。以布敵路。名鐵蒺藜。易云。據于蒺藜。言其凶傷。詩云。牆有茨。不可掃也。以刺梗穢也。綱目云。蒺藜也。蒺利也。茨刺也。其刺傷人甚疾而利也。故名蒺藜。爾雅名茨。又一種白蒺藜。今生同州沙苑牧馬草地最多。而近道亦有之。綠葉細蔓。綿布沙上。結莢長寸許。子大如黍。壯如羊腎而帶綠色。今人謂之沙苑蒺藜。

子氣味苦溫無毒

主治惡血破癥結積聚喉痺乳難久服長肌肉明目輕身○身  
體風痺頭痛效逆傷肺肺痿止煩下氣小兒頭瘡癰腫陰瘡  
可作摩粉○治諸風癰瘍瘰癧吐膿去燥熱○治奔豚腎氣肺  
氣胃膈滿催生墮胎益精療水臧冷小便多止遺瀝泄精溺  
血腫痛○痔漏陰汗婦人發乳帶下

蒺藜子君  
本經上品



蒺藜子有刺嫩青色老黃白色八月采實暴乾冬月亦采之

修治春去刺酒拌炒用

蒺藜子烏頭為之使

神仙秘旨云服蒺藜子一碩當七八月熟時收日乾春去刺然

後杵為末每服二錢新汲水調下日三服勿令中絕斷穀長  
生服之一年已後冬不寒夏不熱服之二年老若復少髮白  
復黑齒落重生服之三年身輕長生

白蔘 即沙苑蔘

[illegible]

沙苑蒺藜一種形如羊腎綠色如黍粒大一種一頭大一頭小  
有鈎青黃色二者並堪主治又一種形頗類羊腎褐綠色粒  
小如粟而圓者劣修治微炒入藥

小如粟而圓者劣

修治微炒入藥

葉似槐葉而微尖小。又似蒺藜葉而微濶大。青白色。開黃。

紫花結小尖角長寸許根長二三尺生赤水鄉名赤水耆生白水鄉名白水耆生山西沁州綿上名綿耆一云折之如綿故謂之綿黃耆夫耆者年高有德之稱耆老歷年久而性不燥此藥性緩如之故得以耆稱一云耆長也黃耆色黃為補藥之長故


本草綱目 卷三  
名黃耆。俗作黃芪。非矣。

氣味甘微溫無毒

主治癰疽久敗瘡排膿止痛大風癩疾五痔鼠瘻補虛小兒百病  
○婦人子臟風邪氣逐五臟間惡血補丈夫虛損五勞羸瘦止渴腹痛洩痢益氣利陰氣  
○主虛喘腎衰耳聾療寒熱治發背內補  
○助氣壯筋骨長肉補血破癥癖癰瘰癧瘻瘻瘻瘻風血崩帶下赤白痢產前後一切病月候不勻痰嗽頭風熱毒赤目  
○治虛勞自汗補肺氣瀉肺火心火實皮毛益胃氣去肌熱及諸經之痛  
○主太陰瘡疾陽  
○為病苦寒熱腎脉為病逆氣裏急

入藥佳 肉白心黃彷彿人參防風

黃耆本經上品



多岐劣 八月采根

九用黃耆以長二三尺緊實如箭幹者為良多岐者劣一種木  
耆似黃耆體虛蘆頭大首藉根體堅肉色黃折之皆脆不似  
箭幹黃耆肉白心黃折之綿軟

修治湏去頭刮皮以蜜炙熟為度治癰生用亦可

黃耆氣薄味厚可升可降陰中陽也入手足太陰氣分又入少

陽足少陰命門

茯苓為之使惡龜甲白鮮皮

衍義云防風黃耆世多相須而用唐許齊宗初仕陳為新蔡王  
外兵參軍時柳太后感風不能言脉沉而口噤齊宗曰既不能  
下藥宜湯氣熏之藥入奏理周時可瘥乃造防風黃耆湯數斛  
置於床下氣如煙霧其夕便得語藥力熏蒸其效如此因著之  
使善醫者知所取法焉

**蒲葦** 生河東池澤。今處處有之。以秦州者為良。香蒲蒲黃苗也。

春初生嫩葉未出水時。紅白茸茸然。取其中心入地白弱大如

七柄者。生啖之。其脆以醋浸如食笋大羹。周禮以為蒲葅。至夏抽梗於叢葉中。花抱梗端如武士棒杵。故俚俗謂之蒲槌。亦曰蒲葇花。其蒲黃即此香蒲花中莖屑也。

蒲黃氣味甘平無毒。主治心腹膀胱寒熱。利小便。止血消瘀。血久服輕身益氣力。延年神仙。○治痢血鼻衄吐血尿血瀉血利水道通經。脉止女子崩中。○婦人帶下月候不勻。血氣心腹痛。妊婦下血墜胎。血運。



葉為席作扇軟滑而溫

蒲黃本經上品乃香蒲花上黃粉也。四月采。



血癥兒枕氣痛顛撲

南人以蒲黃苗為香蒲以菖蒲為臭

血悶排膿瘡癰遊風

蒲也

腫毒下乳汁止洩精

今人謂蒲槌為蒲棒

世多以薑黃末攪麥麵充之每稱為羅過蒲黃其色嫩黃可愛

其麵細如黃粉用是治病安得獲效人當擇色淡黃有蕊屑

者入藥方真

修治蒲黃方破血消腫者生用之補血止血者須炒用

蒲黃手足厥陰血分藥也

按許叔微本事方云有士人妻舌忽脹滿口不能出聲一老叟

教以蒲黃頻搽比曉乃愈又芝隱方云宋度宗欲賞花一夜

忽舌腫滿口蔡御醫用蒲黃乾薑末等分乾搽而愈據此二

說則蒲黃之涼活血可證矣

**續斷**始生常山山谷今陝西河中興元府舒越晉州亦有之三

月已後生苗葉似苧而莖方兩葉對花紅白色根如大薊一株

有五六枝。一種葉似旁翁菜而小厚。兩邊有刺刺人。其花紫色。與今越州生者相類。而市之貨者。亦有數種。少能辨其麤良。醫人用之。但以節節斷皮黃皺者為真。功能續筋骨之斷折。故名續斷。本經名屬折。別錄名接骨。

氣味苦微溫無毒

主治傷寒補不足金瘡癰傷折跌續筋骨婦人乳難久服益氣力。○婦人崩中血金瘡血內漏止痛生肌肉及跣傷惡血腰痛關節緩急。○去諸溫毒通宣血脉。○助氣補五勞七傷破癥結瘀血消腫毒腸風痔瘻乳癰瘰癧婦人產前後一切病胎漏子宮冷面黃虛腫縮小便止泄精尿血。

續斷本經上品

本經云狀如雞脚節節斷皮黃皺者真也

續斷市之貨者形類  
山玄參色皂而瘦  
折之有煙塵起者為  
良

狀如雞脚赤黃色節  
節斷皮多皺者極少

難得

川續斷皮微白肉微

皂一根二三枝及五

六枝今入藥惟用川

修治續斷以酒浸一伏時焙乾用

地黃為之使惡雷丸

昔宋張叔潛秘書知劍州時其閣下病血痢一醫用平胃散一

兩入川續斷末二錢半每服二錢水煎服即愈紹興壬子會  
稽時行痢疾叔潛之子以方傳人往往有驗小兒痢疾服之



八月采根陰乾

皆效  
續斷君

**漏蘆**生喬山山谷。今京東州郡及秦海州皆有之。舊說莖葉似  
白蒿。花黃白。莢莖若筯大。房類油麻而小。故蘇恭名莢蒿。日華  
子名鬼油麻。今諸郡所圖上。惟單州者差相類。沂州者花葉頗  
似牡丹。秦州者花似單葉寒菊紫色。五七枝同一幹。海州者花  
紫碧如單葉蓮花。花莖下及根旁有白茸裹之。根黑色如蔓菁  
而細。又類葱本。淮甸人呼為老翁花。三州所生雖別。而葉頗相  
類。但秦海州者葉更作鋸齒狀耳。一物而殊類若此。醫家何所


適從。當依舊說以單州出者為勝。六月七月采莖苗日乾。八月采根陰乾。古人多用苗。今人多用根。蘆黑色也。此草秋後皆黑。異於衆草。然高岡雖有。而川澤漏下之地最多。故名漏蘆。

氣味鹹寒無毒

主治皮膚熱毒惡瘡疽痔濕痺下乳汁久服輕身益氣耳目聰明不老延年。○止遺溺熱氣瘡痒如麻豆可作浴湯。○通小腸泄精尿血腸風風赤眼小兒忙熱撲損續筋骨乳癰瘰癧金瘡止血排膿補血長肉通經脉

漏蘆

本經上品



根形

皮黑如玄參肉白

近蘆頭有白茸

前言根傍有白茸聚之根黑色如蔓菁而細者即此也今市

通甯之醫通用之予無見使苗者故畫根以示人

按飛廉根如牛蒡而綿頭古方漏蘆散下云用有白茸者則是  
有白茸者乃飛廉無疑矣今考二物氣味功用俱不相遠似  
可通用或者一類有數種古今名稱各處不同乎

修治漏蘆細剉拌生甘草對蒸熟揀去甘草曬乾任用

漏蘆足陽明本經藥也連翹為之使  
外臺秘要治蛇蟲漏蘆為末以餅臛和方寸七服之  
漏蘆君

**陽明**

始生沙苑川澤及邯鄲琅琊上蔡今京東淮浙皆有之莖

葉俱青綠色莖深而葉淡似青蒿而短小五月開細白花中心

攢聚作大房似茴香花其氣如芸蒿故本經一名銅芸別錄名

茴草吳普名茴芸實似胡荽子而大根土黃色與蜀葵根相類

防禦也。此藥身去身半已上風邪。稍去身半已下風邪。延禦諸風要藥。因名防風。又一名屏風。

氣味甘辛溫無毒

主治大風頭眩痛惡風風邪目盲無所見風行周身骨節疼痛  
久服輕身○煩滿脇痛風頭面去來四肢掣急字乳金瘡內  
瘕○治三十六般風男子一切勞劣補中益神風赤眼止冷  
淚及癰瘻通利五臟開脉五勞七傷羸損盜汗心煩體重能  
安神定志勻氣脉○治上焦風邪瀉肺實散頭目中滯氣經  
絡中留濕主上部見血○搜肝氣  
防風本經上品 皮淡黃色肉有心色深堅實溫潤



今出齊州龍山最善淄州兗州青州者亦佳俗呼  
東防風關中出者輕虛不及齊州者良

石防風生于

山石之間根

如蒿根而黃

粗醜多岐亦

瘠頭風眩痛

今江淮河中諸山有之俗呼山防風

修治防風選東道肥潤者去蘆細剉任用

防風氣味俱薄浮而升陽也手足太陽經之本藥又行足陽明

太陰二經為肝經氣分藥

防風能制黃耆黃耆得防風其功愈大乃相畏而相使者也

得葱白能行周身得澤瀉藁本療風得當歸芍藥陽起石禹餘

糧療婦人子臟風畏草薺附子毒惡藜蘆白欽乾薑芫花

經驗後方治破傷風防風天南星等分為末每服二三匙童子

防風臣小便五升煎至四升二服即止



决明子 始生龍門川澤今處處有之夏初生苗高三四尺許根



帶紫色。葉似苜蓿而大。七月開花黃白色。其子作穗。如青菉豆。而銳。十月十日采子陰乾。功主明目。故名決明子。

氣味鹹平無毒

別錄曰苦甘微寒

主治青盲目淫膚赤白膜眼赤痛淚出久服益精光輕身○療唇口青○助肝氣益精以水調末塗腫毒爛太陽穴治頭痛又貼眉心止鼻洪作枕治頭風明目○治肝熱風眼赤淚每旦取一匙按淨空心吞之百日後夜見物光益腎解蛇毒

決明子本經上品

褐色

葉豆大

修治決明子按淨土塵杵碎入藥 著實為之使惡大麻子外臺秘要治積年失明不識人決明子二升杵為末每食後以粥飲服方寸七

決明子臣

始生桐柏山谷及泰山。今陝西河東州郡及隨州皆有之。  
二月生苗。高一尺許。莖幹方稜。青色。葉相對如薄荷而有毛。三  
月開花。紅紫色。似蘇花。根大如指。長尺餘。一苗數根。赤色。故名  
丹參。并人參、沙參、玄參、牡蒙是為五參。五參五色配五臟。故人  
參入脾。曰黃參。沙參入肺。曰白參。玄參入腎。曰黑參。牡蒙入肝  
曰紫參。丹參入心。曰赤參。蕭炳云。酒浸服之。治風軟脚。可逐奔  
馬。故名奔馬草。

氣味苦微寒無毒

主治心腹邪氣。腸鳴幽幽如走水。寒熱積聚。破癥除瘕。止煩滿。

益氣○養血去心腹痛疾結氣腰脊強脚痺除風邪留熱久服利人○清酒飲療風痺足軟○主中惡及百邪鬼魅腹痛氣作聲音鳴吼能定精○養神定志通利關脉治冷熱勞骨節疼痛四肢不遂頭痛赤眼熱溫狂悶破宿血生新血安生胎落死胎止血崩帶下調婦人經脉不勻血邪心煩惡瘡疥癰癩贅腫毒丹毒排膿止痛生肌長肉

丹參  
本經  
上品



丹參一莖數十枝皮赤而肉白九月十月采根陰乾修治丹參去土淨用酒洗細剉日乾任用丹參味苦氣平而降陰中之陽也入手少陰厥陰之經心與包絡血分藥也畏鹹水反藜蘆弘景曰性熱久服多眼赤聖惠方治寒疝小腹及陰中相引痛白汗出欲死以丹參一兩

杆為散每服熱酒調下二錢佳  
丹參

**茜草**

一作蒨。始生喬山山谷。今近處有之。染緋草也。葉似棗葉。


頭尖下闊。三五對生節間。其苗蔓延草木上。根紫色。陶隱居本草言東方有而少。不如西方多。則西草為茜。以此也。詩云茹蘆在坂者是已。陸機云。齊人謂之茜。徐人謂之牛蔓。又草之盛者為蒨。牽引為茹。連覆為蘆。則蒨茹蘆之名。又取此義也。

氣味苦寒無毒

主治寒濕風痺黃疸補中。○止血內崩下血膀胱不足痿跌蠱毒久服益精氣軀身可以染絳。○治六極傷心肺吐血瀉血。○止鼻衄尿血產後血運月經不止帶下撲損瘀血泄精痔

瘰癧瘰癧排膿酒煎服

茜草  
本經  
上品



根紫色  
俗呼茜  
根

修治茜草去土用銅刀細剉炒用勿犯鉛鐵  
元素曰微酸鹹溫陰中之陰手足厥陰血分之藥也畏鼠姑制

雄黃

俗方用治女子經水不通以一兩煎酒服之一日即通甚效

生絲子

始生朝鮮川澤今近道皆有之以冤句者為勝夏生苗

初如細絲遍地不能自起得他草梗則纏繞而生其根漸絕于

地而寄空中。或云無根假氣而生信然。六七月結實極細如蠶子。土黃色。九月采實暴乾。其實有二種。色黃而細者名赤綱。色淺而大者名菟藟。其功用並同。苗如絲綜。初生之根其形似兔握。則菟絲之名因此也。

氣味辛甘平無毒

主治續絕傷補不足益氣力肥健久服明目輕身延年。○養肌強陰堅筋骨主莖中寒精自出溺有餘瀝口苦躁渴寒血為積。○治男女虛冷添精益髓去腰疼膝冷消渴熱中久服去面黥悅顏色。○補五勞七傷治鬼交泄精尿血潤心肺。○補肝臟風虛。

菟絲子本經上品

子大如栗褐色

修治菟絲子以溫水淘去沙泥酒浸一宿杵爛日乾入藥或酒

煮杵爛亦得

菟絲子得酒良著積松脂為之使惡瞿菌  
肘後方治面上粉刺搗菟絲子絞取汁塗之瘡

**菟絲**

始生海濱池澤今處處有之園圃及田野見者極多春初

生苗如嫩蒿至夏高三四尺莖方如黃麻故俗呼野天麻對節  
生枝一枝三葉節節生穗叢簇抱莖五六月間穗內開小花紅  
紫色亦有微白色者每莖內有細子數粒大如同蒿子有三稜  
蒼黑色此草及子皆充盛密蔚故名菟蔚其功宜於婦人故本  
經有益母之稱俗呼益母草

子氣味辛甘微溫無毒

主治明目益精除水氣久服輕身○療血逆大熱頭痛心煩○

產後血脹○春仁生食補中益氣通血脉填精髓止渴潤肺

修治荒蔚子微炒香日暴燥春簸去殼取仁用

荒蔚子陰中之陽手足厥陰經藥也白花者入氣分紫花者入


血分治婦女經脉不調崩中帶下胎前產後一切血氣諸病

妙品也

荒蔚

本經

上品



子形

子淡黑

色一頭大一頭小

荒蔚根味甘花味微苦并莖葉味辛微苦並無毒

主治癰瘡可作浴湯○搗汁服主浮腫下水消惡毒丁腫乳癰

丹遊等毒并傳之又服汁主子死腹中及產後血脹悶滴汁



濟入耳中主聾耳搏傳蛇虺毒○八面藥令人光澤治粉刺

妙活人甚多用益母草葉似艾葉莖類脂麻方梗四面對節

生枝五六月節節開紅紫花者端午小暑或六月六日花正

開時連根收采陰乾用葉及花子忌鐵器以石器搗為細末

煉蜜丸如彈子大嚼服或丸如梧桐子大每服五七十九其

藥不限九數以病愈為度飲具于後

一胎前臍腹痛或作聲者米飲下一胎前產後臍腹刺痛胎動

不安下血不止當歸湯下

一產後以童子小便化下一丸能安魂定魄血氣自然調順諸

病不生又能破血痛養脉息調經絡並溫酒下

一胎衣不下及橫生死胎不下經日脹滿心悶心痛並用炒鹽

湯下

一產後血運眼黑血熱口渴煩悶如見鬼神狂言不省人事以

童子小便和酒化下

一產後結成血塊臍腹奔痛時發寒熱有冷汗或面垢顏赤五

心煩熱並用童子小便酒下或薄荷湯下

一產後惡露不盡結滯刺痛上衝心胃滿悶童子小便酒下

一產後瀉血水裏湯下一產後痢疾米湯下一產後血崩漏下

一糯米湯下一產後赤白帶下艾湯下一月水不調溫酒下

一產後中風牙關緊急半身不遂失音不語童便酒下

一產後氣喘咳嗽胃膈不利惡心吐酸水而目浮腫兩脇疼痛

舉動失力溫酒下

一產後咳嗽自汗發熱久則變為骨蒸童便酒下一產後鼻衄

舌黑口乾童便酒下

一產後兩太陽穴痛呵欠心忪氣短羸瘦不思飲食血風身熱

手足頑麻百節疼痛秦芫湯下

一產後太小便不通煩燥口苦者薄荷湯下一婦人久無子息

溫酒下

芫蔚制硫黃雌黃砒石



生上黨山谷及遼東其根形狀如防風而潤實春生苗多

于深山中背陰近榾漆下濕潤處。初生小者三四寸許。一桎五葉。四五年後生兩桎五葉。未有花莖。至十年後生三桎。年深者生四桎。各五葉。中心生一莖。俗名百尺杵。三月四月有花。細小如粟。莖如絲。紫白色。秋後結子。或七八枚。如大豆。生青熟紅。自落。根如人形者。神。乃年深浸漸長成者。故說文曰人蔞。蔞字從漫。亦浸漸之義。漫即浸字。後世因字文繁。遂以參之字代之。從簡便爾。然承誤日久。亦不能變矣。惟仲景傷寒論尚作蔞字。其成有階級。故本經名人銜。其草背陽向陰。故本經名鬼蓋。其在


五參。色黃屬土而補脾胃。生陰血。故吳普名黃參。別錄名血參。得地之精靈。故別錄名土精。廣雅名地精。廣五行記云。隋文帝時。上黨有人宅後。每夜聞人呼聲。求之不得。去宅一里許。見人參枝葉異常。掘之入地五尺。得人。薄一如人體。四肢畢備。呼聲遂絕。觀此則土精地精之名尤可證也。醫學入門解參字曰。參。參也。久服補元氣。有參贊之功。故名參。

氣味辛微寒無毒

主治補五臟安精神定魂魄止驚悸除邪氣明目開心益智久服輕身延年○療腸胃中冷心腹鼓痛胃脅逆滿霍亂吐逆調中止消渴通血脈補堅積令人不忘○主五勞七傷虛損

痰弱止嘔噦補五臟六腑保中守神消胸中痰治肺痿及癰  
 疾冷氣逆上傷寒不下食凡虛而多夢紛紜者加之○止煩  
 躁變酸水○消食開胃調中治氣殺金石藥毒○治肺胃陽  
 氣不足肺氣虛促短氣少氣補中緩中瀉心肺脾胃中火邪  
 止渴生津液○治男婦一切虛證發熱自汗眩運頭痛反胃  
 吐食痰瘡滑瀉久痢小便頻數淋瀝中風中暑痿痺吐血嗽  
 血下血血淋血崩胎前產後諸病  
 范蠡曰狀類人者善珣曰出新羅國所貢有手脚狀如人形

人參本經上品



神力全價勝金

或曰生耶鄆者根有頭足手面目如人或曰生上黨者人形  
 皆具本經云如人形者有神  
 遼東上黨者形狀如東防風而潤實布金井玉關色黃有鬚  
 稍纖長嚼之甘苦此品最佳

高麗國作人參讚曰三桎五葉背陽向陰欲求我椒樹相  
尋椒樹似桐甚大陰廣故人參多生于下 三月九月采根



生人參形類蔓菁桔梗故世以桔梗造參欺人形像亦相似  
亦有金井玉蘭但皮無橫紋味亦淡薄不同耳  
市人參者皆繩縛杆上蒸過故參有繩痕買者若不識真偽惟  
要透明似肉近蘆有橫紋者則假參自不得索之凡用宜擇  
秋參勿用春參本草蒙筌曰春參輕匏因汁升萌芽抽梗秋  
參重實得汁降結暈成膠

人參形

頭



尾

此參迺蒸造成者形塊大小不等



例

正



近頭紋多 近尾紋少

堅實明亮為上

上黨參色黃堅實有肉色高麗參色雖黃輕虛內多有白色者  
紫團參紫大稍扁百濟參白堅且圓名白條參新羅參亞黃  
味薄清河參塊小色白堅實明亮諸參並堪主治獨上黨黃  
參功効易臻至于竹節參條參蘆參參鬚不堪入藥  
唐本註云欲試上黨人參者當使二人同走一與人參含之一  
不含度走三五里許其不含者必大喘含者氣息自如其參  
乃真也

修治人參易蛀惟用盛過麻油瓦罐洗淨焙乾入華陰細辛與  
參相間收之密封可留經年人參生時背陽頻見風日易蛀  
凡生用宜以咀熟用宜隔綿焙之並忌鐵器  
人參性溫味甘微苦氣味俱薄浮而升陽也陽中微陰入手太陰  
人參茯苓馬蘭為之使惡漉疏鹵鹹反藜蘆畏五靈脂惡皂莢  
黑豆動紫石英  
聖惠方治產後發喘乃血入肺竅危症也人參末一两蘇木二  
兩水二盞煮汁一盞調參末服神效  
人參君

**菊**始生雍州川澤及田野。今處處有之。以南陽菊潭者為佳。初春布地生細苗。夏茂秋花冬實。然菊之種類頗多。有紫莖而氣香。葉厚至柔嫩可食者。其花微小。味甚甘。此為真。故古方云。其菊花即此也。其莖青而大。葉細氣烈似蒿艾。花小味苦者。名苦薺。非真也。南陽菊亦有兩種。白菊葉大如艾葉。莖青根細。花白莖黃。其黃菊葉似同蒿。花莖都黃。今服餌家多用白者。又有一種開小黃花。花瓣下如小珠子。謂之珠子菊云。入藥亦佳。按陸佃埤雅云。菊本作鞠。從鞠。鞠窮也。今之秋華鞠也。鞠炒有華。



至此而窮焉。故謂之鞠。予曰。菊。鞠也。必鞠養而後得稱佳菊。故名菊。月令九月菊有黃華。是也。因應節候。故本經名節華。


菊花氣味甘微苦平無毒

主治諸風頭眩腫痛目欲脫淚出皮膚死肌惡風濕痺久服利血氣輕身耐老延年○療腰痛去來陶陶除胃中煩熱安腸胃利五脉調四肢○治頭目風熱風旋倒地腦骨疼痛身上一切游風令消散利血脉並無所忌○作枕明目葉亦明目生熟並可食養目血去翳膜○主肝氣不足

甘菊花本經

上品

色黃而味甘



野菊花名苦  
薏花小于甘  
菊而味苦



苦者  
勿用

白菊氣味苦辛平無毒

主治風眩能令頭不白○染髭髮令黑和巨勝茯苓蜜丸服之

去風眩變白不老益顏色

菊花本經云正月采根三月采葉五月采莖九月采花十一月采實今人惟用花故予惟盡花形

白菊花形  
黃葉如艾



菊花寒可升可降陰中微陽也木及枸杞根桑根白皮為之使救急方治病後生醫白菊花蟬蛻等分為散每用二三錢入蜜少許水煎服大人小兒皆宜屢驗

菊花使  
催花法以馬糞浸水洗之則速開花凡花皆然

始生上洛池澤及蜀郡嚴道今處處有之而池州戎州者

良春生青葉長一二尺許其葉中心有脊狀如劍故一名水劍

草爾雅云其花九節者食之仙其根盤屈有節一根旁引三四根傍根節尤密入藥以緊小似魚鱗者為佳此乃蒲類中之昌盛者故曰菖蒲。

氣味辛溫無毒

主治風寒濕痺欬逆上氣開心孔補五臟通九竅明耳目出聲音主耳聾癰瘡溫腸胃止小便利久服輕身不忘不迷惑延年益心智高志不老○治耳鳴頭風淚下鬼氣殺諸蟲惡瘡疥癢○除風下氣丈夫水臍女人血海冷敗多忘除煩悶止心腹痛霍亂轉筋及耳痛者作末炒乘熱累罾甚驗心積伏梁治中惡卒死客忤癰瘤下血崩中安胎漏散癰腫搗汁服解巴豆大戟毒

菖蒲十二月采根陰乾露根不可用

菖蒲  
本經  
上品

石菖蒲紫色肉堅實

水菖蒲氣辛烈

多節者良不必泥于九節

五月五日  
浸酒服佳

一名菖  
陽肉虛

生石澗中根小節密名石菖蒲入藥方靈種池塘內根大節疎

名水菖蒲作錢堪用

修治菖蒲以銅刀刮去黃黑硬節皮一重以嫩桑枝條相拌蒸

熟暴乾剉用若急用但去毛微炒耳勿犯鐵器

菖蒲秦皮秦朮為之使惡地膽麻黃

漢武帝上嵩上忽見仙人長可二丈問之曰吾九疑山人也聞

中嶽有石上菖蒲一寸九節食之長生故來採之忽然不見

抱朴子云韓叅服菖蒲十三年身上生毛日記萬言冬袒不寒

衍義云有人患遍身生熱毒痛而不痒手足尤甚然至頸而止

粘着衣被晚夕不得睡痛不可任有人教以菖蒲三斗日乾

爲末布藤上令臥之。仍以衣被覆之。既不粘着。衣被又復得睡。不五七日。其瘡如失。後以此治人。應手神驗。  
除向蚤方。五月五日。採石菖蒲。晒乾。爲末。置于席下。蚤自求無  
菖蒲君

**天門冬**

始生奉高山谷。今處處有之。春生。藤蔓大如釵股。高至

丈餘。葉如茴香。極尖細而踈滑。有逆刺。亦有澁而無刺者。其葉如絲杉而細散。夏開白花。亦有黃花者。秋結黑子。在其根枝傍入伏後無花暗結子。其根白。或黃紫色。大如手指。長二三寸。一二十枚同一撮。爾雅謂之藟藟。一名藟冬。山海經云。條谷之山。其草多藟藟。藟冬是也。一名滿冬。或名地門冬。或名遶門冬。在

東嶽名淫羊藿在中嶽名天門冬在西嶽名管松在北嶽名無  
不愈在南嶽名百部在京陸山阜名顛勒在越人名浣草抱朴  
子云一名顛棘或云天棘顛天音相近也蓋草之茂者爲藹俗  
作門此草蔓茂而功同麥門冬故曰天門冬。

氣味苦平無毒

主治諸暴風濕偏痺強骨髓殺三蟲去伏尸久服輕身益氣延  
年不飢○保定肺氣去寒熱養肌膚利小便冷而能補○肺  
氣欬逆喘息促急肺痿生癰吐膿除熱通腎氣止消渴去熱  
中風治濕疥宜久服養食之令人肌體滑澤白淨除身上一  
切惡氣不潔之疾○鎮心潤五臟補五勞七傷吐血治嗽消  
痰去風熱煩悶○主心病噤乾心痛渴而欲飲痿痺瘳服之  
下熱而痛○潤燥滋陰清金降火○陽事不起宜常服之足

天門冬本經上品

此係蒸剝去皮者

二八月采根

沙糖煎作果佳

色黃白

修治天門冬肥大明亮者佳去心但以溫水漬漉使周潤滲入

肌俟軟緩緩擘取不可浸出脂液不知者乃以湯浸多時柔

則柔矣然氣味都盡用之不效麥冬亦然若入丸藥雖暴乾

別錄曰天門冬并大寒氣薄味厚陽中之陰入手太陰足少陰

經氣分之藥

天門冬垣衣地黃貝母為之使畏曾青制雄黃礪砂服天門冬

禁食鯉魚


列仙傳赤須子食天門冬齒落更生細髮復出○神仙傳甘始

者太原人服天門冬在人間三百餘年○抱朴子云杜紫微

服天門冬御八十妾有男一百四十歲天門冬君

**獨活** 生雍州川谷或隴西南安。今出蜀漢者佳。春生苗葉。夏開小黃花作叢。一莖直上。不爲風搖。故曰獨活。其根黃白。虛大氣香如蜜。亦有作槐葉氣者。此草得風不搖。無風自動。故別錄名獨搖草。

氣味苦甘平微溫無毒  
主治療諸賊風百節痛諸風濕冷皮肌苦痒手足攣痛○主風寒所擊金瘡止痛奔豚癰瘰女子疝瘕勞損風毒齒痛  
獨活本經上品



色黃白亦有淡黑色氣香



二月八月采根



獨活類老前胡尋常皆以老宿前胡為獨活非矣近時江淮中

出。一種土當歸長近尺許肉白皮黃氣極穢惡山人每呼香

白芷又謂之白水芷用充獨活解散亦或用之不可不辨

修治獨活去皮細剉焙用

獨活微溫其苦辛氣味俱薄陽也足少陰行經氣分之藥

蠱實為之使

千金方治中風口噤通身冷不知人獨活四兩好酒一升煎半

升服獨活君

**羌活**亦生雍州川谷及隴西南安益州北郡此州縣並是羌地

故此草以羌名其苗葉如青麻故本經名羌青六月開花或黃

或紫亦作叢結實時葉黃者是夾石上所生葉青者是土脉中


所生其根紫色節密氣味芳烈而療風之功同獨活故以活名

以羌中來者為良。故本經名護羌使者。按文系曰。唐劉師貞之兄病風。夢神人曰。但取胡王使者。浸酒服。便愈。師貞訪問。皆不曉。復夢其母曰。胡王使者。即羌活也。求而用之。兄疾遂愈。故吳普本草名胡王使者。

氣味苦辛無毒

主治賊風失音不語多痺血癰手足不遂口面喎斜遍身癢痺治一切風赤目疼痛○去腎間風邪搜肝風瀉肝氣治項強腰痛○散癰疽敗血

羌活  
本經  
上品



南羌活節少



西羌活節密二八月采根

南西羌活色並蒼紫氣味苦烈咸堪治療今人多用鞭節

修治羌活以溫水潤透切片任用  
羌活性溫辛苦氣味俱薄浮而升陽也足太陽行經風藥並入

足厥陰少陰經氣分  
夏子益奇疾方治人睛忽垂至鼻如黑角塞痛不可忍或時時

大便血出痛名曰肝脹用羌活煎汁服數盞自愈  
羌活君

**升麻**始生益州川谷今蜀漢陝西淮南州郡皆有之以蜀川者

為勝春生苗高三尺以來葉莖俱青色四月五月著花似粟穗

白色六月以後結實黑色根如蒿根紫黑色多鬚其葉似麻其

性上升故名升麻


氣味苦平微寒無毒  
主治鮮百毒殺百精老物殃鬼辟瘟疫瘴氣和氣盡毒入口皆

吐中惡腹痛時氣毒癰頭痛寒熱風腫諸毒喉痛口瘡久  
 服不天輕身長年○安魂定魄鬼附啼泣疳蠱遊風腫毒  
 小兒驚癇熱壅不通療癰腫豌豆瘡水煎綿沾拭瘡上○治  
 陽明頭痛補脾胃去皮膚風邪解肌肉間風熱療肺痿欬唾  
 膿血能發浮汗○牙根浮爛惡臭太陽軌切為瘡家聖藥  
 消斑疹行瘀血治陽陷眩運胃脇虛痛久泄下痢後重遺濁  
 帶下崩中血淋下血陰痿足寒

升麻 本經上品



皮黑 多鬚



二月 八月 采根

升麻形小而黑極堅實削去皮青綠色者謂之雞骨升麻最佳  
 形虛大肉黃白者次之肉黑者下  
 治升麻去鬚及蘆頭剉用

升麻性溫味辛微苦氣味俱薄浮而升陽也為足陽明太陰引  
經藥得蔥白白芷亦入手陽明太陰引蔥白散手陽明風邪  
引石膏止陽明齒痛人參黃耆非此引之不能上行同葛根  
能發陽明之汗同柴胡引生發之氣上行  
姚和衆至寶方治小兒尿血蜀升麻五分水五合煎取一合去  
滓一歲兒一日一服

**木香** 始生永昌山谷。今惟廣州舶上有來者。葉似羊蹄而長大。


花如菊。實黃黑。亦有葉如山芋而開紫花者。不拘時采根入藥。  
以形如枯骨者良。因其氣香如蜜。故別錄名蜜香。緣沉香中有  
蜜香。遂訛此為木香爾。古人謂之青木香。後人因呼馬兜鈴根  
為青木香。乃呼此為南木香。廣木香以別之。其一株五根一莖。

五枝一枝五葉葉間五節故圖經名五木香

氣味辛溫無毒

主治和氣辟毒疫瘟鬼強志主淋露久服不憂寤驚寐○消毒殺鬼精物溫瘧瘧毒氣劣氣不足肌中偏寒引藥之精○治心腹一切氣膀胱冷痛嘔逆反胃霍亂泄瀉痢疾建脾消食安胎○九種心痛積年冷氣瘕癖癥塊脹痛壅氣上衝煩悶羸劣女人血氣刺心痛不可忍末酒服之○散滯氣調諸氣和胃氣泄肺氣○行肝經氣煨熟實大腸○治衝脉為病逆氣裏急主浮滲小便秘

木香  
本經上品



肉黃白



氣香

廣木香形如枯骨者佳肉色青者優黃白者次之色黑油者下

修治木香凡入理氣藥只生用不見火若實大腸宜麩煨熟用氣熱味辛苦氣味俱厚沉而降陰也一云味厚於氣陰中陽也

乃三焦氣分之藥

孫兆秘寶方治犬夫婦人小兒痢木香一塊方圓一寸黃連半兩二味用水半升同煎乾去黃連只薄切木香焙乾為末三服第一橘皮湯第二陳米飲第三甘草湯下此乃李景純傳所傳有一婦人久患痢將死夢中觀音授此方服之遂愈

**蛇牀**

始生臨淄川谷及田野今處處有之三月生苗高二三尺

葉青碎作叢每枝上有花頭百餘結同一窠子類小苗香而小黃褐色至輕虛蛇喜食其子故本經一名蛇粟一名蛇米蛇常棲息此草下故名蛇牀子氣味苦平無毒

主治男子陰痿濕癢婦人陰中腫痛除痺氣利關節癰癤惡瘡  
久服輕身好顏色○溫中下氣令婦人子臟熱男子陰強久  
服令人有子○治男子女人虛濕痺毒風癢痛去男子腰痛  
浴男子陰去風冷大益陽事○暖丈夫陽氣女人陰氣治腰  
膝酸疼四肢頑痺縮小便去陰汗濕癬齒痛赤白帶下小兒  
驚癇撲損瘀血煎湯浴大風身癢

蛇牀子本經上品

子大如黍。色黃白

修治蛇牀子微炒用作湯沐浴生用○五月采子陰乾體輕虛

蛇牀子辛甘乃右腎命門少陽三焦氣分之藥

惡牡丹貝母巴豆伏硫黃  
千金方治陽事不起蛇牀子五味子兔絲子等分為末煉蜜為  
丸梧子大每服三十丸溫酒下日三服

蛇牀子君

王不留行

始生泰山山谷。今處處有之。苗葉俱青。高一二尺許。



葉如小匙頭。四月開花紅白色。俗謂之翦金花。結實如燈籠草。子殼有五稜。殼內包一實大如豆。實內子大如松子。生白熟黑。正圓。此物性走而不住。雖有王命。不能留其行也。故名王不留行。

苗子氣味苦平無毒

主治金瘡止血。逐痛出刺。除風痺。內塞止心煩。鼻衄。癰疽。惡瘡。癩乳。婦人難產。久服輕身耐老。增壽。○治風毒通血。脉。○遊風。風癰。婦人血經不勻。發背。○下乳汁。○利小便。出竹木刺。元素曰。其苦平。陽中之陰。時珍曰。能走血分。乃陽明衝任之藥。下乳引導。用之取其利血脉也。頌曰。張仲景治金瘡。有王不留行散。貞元廣利方治諸風。瘕有王不留行湯。最效。

王不留  
行  
本經  
上品



五月收采



子大如黍而圓色黑

修治雷公云凡採得拌濕蒸從已至未出却下漿水浸一宿焙乾用

指南方治鼻衄不止王不留行連莖葉陰乾濃煎汁溫服立效  
湧泉湯治婦人乳汁不通王不留行三錢川山甲炒二錢當歸  
身天花粉各一錢五分木通一錢炙甘草一錢共搗為細末  
用煮猪蹄湯一鍾調服乳立通